



Tel: +27 (0) 41 922 – 5510 | Cell: +27 (0) 82 523 8201 | Fax: +27 (0) 86 614 5354 | E-mail: manager@chasa.co.za | Website: www.chasa.co.za
SAPS Hunting Association Accreditation Number: 1300018 | SAPS Sport Shooting Association Accreditation Number: 1300104
NPO Registration Number: 241-187 NPO

18 Mei 2020

CHASA VERKLARING / CHASA ANNOUNCEMENT
(English text below)

INSAKE: OPNAME OOR WILDSVLEIS MEI 2020

CHASA bedank die jagters van Suid Afrika vir die uitstekende reaksie op die vleisopname wat gesirkuleer is. Dit is duidelik dat jagters bekommerd is oor moontlike beperkings wat op die gebruik van wildsvleis geplaas kan word. Ons het sover 6423 response ontvang van respondente wat dit nou vir ons en ander rolspelers moontlik maak om feitelike argumente aan te voer oor die verkryging en benutting van wildsvleis deur jagters. Die respondente is lede van al die erkende jagtersverenigings en sluit ook persone in wat nie aan verenigings behoort nie. Ons is dankbaar dat jagters oor grense heen hande vat oor hierdie saak.

Dit is duidelik uit die opname dat plaaslike (Suid Afrikaanse) jagters die grootste kliënte is van grondeienaars wat wild besit. Navorsing deur NWU dui aan dat plaaslike jagters sowat R11,6 miljard jaarliks in die jagbedryf in Suid Afrika spandeer.

Dit is ook duidelik dat 'n groot aantal diere jaarliks op informele wyse deur jagters versprei word aan hul families en vriende. Dit is ook bekend dat plaaslike jagters op 'n per kg basis die hoogste premie betaal vir wild, wat op plase ge-oes word (oorsee'se jagters uitgesluit). Indien hierdie aktiwiteite beperk word, sal jagters se jarelange kulturele gebruike rondom wildsvleis ernstig aan bande gelê word. Voorts sal dit ook 'n ernstige negatiewe invloed uitoefen op wildeienaars se mark vir hul produk. CHASA neem daarom die volgende standpunte in:

- i) Ons erken jagters se regte om hul kulturele gebruike van wildsvleis te behou en sal hierdie regte beskerm en bevorder;
- ii) Ons verwerp enige pogings om beperkings te plaas op die aantal wild wat jagters mag jag;
- iii) Ons eis dat die gebruik erken word dat jagters op informele wyse vleis aan familie en vriende beskikbaar stel;
- iv) Ons erken die gebruik dat jagters op beperkte skaal wildsvleis verwerk en op die informele mark verhandel;
- v) Ons ondersteun die beginsel dat wildsvleis wat op formele markte verkoop word (bv. kettingwinkels) aan die vereistes van die wetgewing moet voldoen en dat wildoes operateurs hierin 'n vername rol kan speel.

CHASA sal saamwerk met ander rolspelers in die bedryf wat hierdie standpunte ondersteun en sal ons standpunte op 'n verantwoordelike maar besliste wyse aan die owerhede oordra.

Vriendelike Groete

Pieter van Niekerk
CHASA President

